



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt III. Proposita, postulantibus Caesarianis, concessio Calicis coetui generali. Rationes ab ipsis allatae.

urn:nbn:de:hbz:466:1-11718

1562. Alia capita sunt agitata, ac præcipue, An essent celebrandæ Missæ linguis vulgaribus. Fuit qui dixit, Perniciosam haud sibi videri Dalmatiae consuetudinem, ubi post lectionem Euangelij Latini, idem legitur idiomate Dalmatico, ad populi eruditionem. Omnibus tamen probata est interdictio celebrandi Missam vulgari sermone. Quin Episcopus Nimosiensis retulit, in sua Diœcesi ab hereticis, cum plurima Ecclesiæ bona occupasset, eorum restitutio nem oblatam fuisse cum certis quibusdam pactionibus, præsertim verò cum hac conditione; sed rem fuisse reiectam.

Actum quoque in transcurso, An Decretis doctrinæ par Canonibus auctoritas esset tribuenda. Aduersabantur Fuscararius & Blan cus, aientes, suos in hisce rebus gradus esse; sufficere, si oppugnatoribus inureretur temeritatis & scandali nota, non item hæreses. Oppositum suadebat Hosius Reatinus Antistes: sed de hoc matrum plenumque consilium non est habitum.

Blanco denique non probabatur, quod ad Canones apponenteretur tamquam Fidei dogma, à Christo collatum fuisse Sacerdotij ordinem Apostolis per ea verba: *Hoc facite in meam commemorationem.* Confucuisse Concilia veritatem declarare, non interpretationes præscribere, productis sacrarum Litterarum, aut sanctorum Patrum testimentiis.

Hæc potissimum in propositis Decretis & Canonibus obseruata sunt: conuentumque est, ut arctarentur, ac limarentur, adhibita curâ tum ponendi quæ cunctis placerent, tum auferendi quæ alicui displicerent. Cum aptum in conuentibus adiumentum sit, ut plerique singulis morem gerant in rebus minutioribus omittendis, quo singuli plerosque sequantur in præcipuis sanctionibus statuendis.

C A P V T III.

*Proposita, postulantibus Cæsarianis, concessio Calicis cœtui generali.
Rationes alii ipsis allatae.*

Nondum absolutus erat sermo de Seruatoris sacrificio in Cœna, cum in eodem conuentu datus est aditus alteri quæstioni magis salebrosæ, quamvis minus subtili. Acerrime vrgebant Cæsariani, ut Ferdinandi petitio pro vsu Calicis proponeatur. Quare Legati rem diutiū haud protraxerunt. Et quamquam ante Borromæus ipsis significasset*, ad faciliorrem concessionem reddendam, profuturam forsitan fuisse limitationem tractationis ad solam Bohemiam, ubi persistebat vetus ac præcipua repu-

* Apparet ex epistola Legatorum ad Borromæum, 20. Augusti 1562.

repugnantia Eucharistiae sub vnica specie sumendæ, responsum 1562.
 à Legatis fuerat: Cùm Cæsar postulatio ad cunctas Imperij di-
 tiones extenderetur, nunc per eam rei propositæ restrictionem ve-
 reri se, ne, dum ipsi gratificari studerent, eum potius offendherent.
 At verò per idem tempus restitere alteri Cæsar postulato, quod
^b per Delfinum Nuntium detulerat: id fuit, Vt definitiones de Sa- ^{b Altera Le-}
 crificio protraherentur, tantisper saltem, dum Cæsar in propinquis gatorum epi-
 Comitiis vltimos adhiberet conatus ad mittendos Tridentum Pro- stola, eodem
 testantes. De quo rescriperunt, Ob causas sæpius allatas superse-
 dere amplius non posse citra Ecclesiæ dedecus ac detrimentum:
 electum fuisse argumentum illud, quod ætate Iulij fuerat intermis-
 sum, quo reipsâ haberetur tacita continuatio, pro eo ac inter Cæ-
 sarem & Catholicum Regem conuenerat. Eò igitur impensiùs Le-
 gati studuere promptum ad alteram petitionem animum præ se fer-
 re; ac proinde die vigesimo secundo Augusti rem Patribus pro-
 posuere.

2 Mantuanus honorificis formulis posuit ob oculos, quām bene-
 meritus de Ecclesia Cæsar esset, quantumque oporteret ipsi morem
 gerere in eo quod ad eiusdem Ecclesiæ commodum postulabat,
 præsertim cùm Synodus illius patrocinio frueretur. Postrema hæc
 dicta reprehensionis argumentum præbuere quibusdam, aut ex cau-
 toribus, aut ex prioribus ad cauillandum, quasi Pontificiæ di-
 gnitati detraherent, & quasi Legatus ratione sanguinis traheretur
 ad proferendas voces auctiores socero nepotis ex fratre; quamquam
 reuerà illæ ad solum patrocinium laicarum virium dilucidè refer-
 rentur, cùm Tridentum supremo Ferdinandi dominio subiaceret,
 atque illius oppidis cingeretur. Et sanè in toto illius Concilij de-
 cursu emicuit in Mantuano is tantummodò Principum respectus,
 qui ad emolumentum Ecclesiæ conducebat, quemadmodum stel-
 le tantum, & non amplius, solem intuentur, quantum conferat
 non ad ampliorem ipsarum irradiationem, sed ad Orbis terrarum
 emolumentum.

3 Duo scripta confecerant Cæsar Oratores ad viam impetratio-
 ni sternendam: alterum prolixius, breuius alterum; petieruntque
 à Legatis, & obtinuerunt^c, vt scriptum breuius cunctis Patribus
 simul cum postulato proponendo traderetur. In eo habebatur: ^{c Litteræ Le-}
 Iam usque à primo interdicto Concilij Constantiensis retentum
 à Bohemis pertinaciter fuisse usum utriusque speciei in Eucharistiae
 sumptione, nuncupatis idcirco *Sub utraque specie*, eosdemque ob-
 stitisse inflexibiles rationibus, confiliis, & armis; nec plebeios fo-
 lūm,

1562. lùm, sed nobiles ac dynastas, & eorum complures, ad quos ex veteri consuetudine spectabat publicorum Magistratum exercitatio. Eapropter Synodum Basileensem sese inclinasse ad Calicis usum certis conditionibus positis restituendum. Id pariter indulsisse Romanos Pontifices Paulum & Iulium Tertium, facultate ad id commissâ Nuntiis in iis prouinciis, tametsi varia, quæ contigerant, executionem impediissent. Ipsum Ferdinandum, cum ex Diuina beneficentia sibi cuenisset, ut Archiepiscopus Pragensis post centum quadraginta annos in gradu repôneretur, petuisse à Pontifice, ut illi facultatem concederet ad Sacerdotium eos promouendi, qui vna cum Calice Eucharistiam accipiebant, adeoque Calistini appellabantur. Pontificem verò haud indignam, quæ exaudiretur, existimasse petitionem, à quâ pendere poterat illius inclyti regni ad Ecclesiæ sinum regressio; sed eam ad Concilium reiecerisse. Probam illius Nationis voluntatem ex eo argui posse, quod numquam ad eam usque diem Sacerdotes admiserint nisi non coniugatos, sacrificique initiatos à Catholicis Episcopis; quodque publicas pro felicitate Pontificis, sacri Collegij Episcoporum, ceterorumque Ecclesiasticorum Ordinum precationes haberent. Hoc impetrato, facile reduci posse ad rectam Fidem in aliis minutis rebus, in quibus aberauerant. Admiracionis argumentum non esse hanc adeo tenacem ipsorum voluntatem, quando doctissimi quidam viri etiam inter Catholicos dubitationem præ se tulerant, quod vnius speciei sumptio tantum gratiæ non conferret, quantum utriusque. Cauendum esse, ne seueritas nimia illos ad Lutheranorum sectam impelleret. Votum hoc non paucis improbisque hominibus inesse, sed innumeris ac piis, in Hungaria, in Austria, in Silesia, in Stiria, in Carinthia, in Carniola, in Bauaria, & aliis Germaniae prouinciis. Concessisse Paulum III. cunctis Germaniae Episcopis facultatem Eucharistiæ sub utraque specie porrigendæ cuicunque ex pietate id cupienti: quamquam ne id quidem ex quibusdam obstaculis posteà effectum fuisset. Non peti hoc priuilegium pro hæreticis, ut qui auctoritatem Synodi non agnoscebant, sed pro Catholicis, obsequentiibus Ecclesiæ filiis. Sperandum tamen esse, per eam concessionem ad frugem reuocatum iri complures etiam ex hæreticis, nec ab eorum paucis paratum ad id animum declarari: in eamdem postulationem conuenire duos Episcopos, omnium Hungariae Praefulum Procuratores: illic violentiam inferri Sacerdotibus, ut utramque speciem præberent, adeoque quosdam ex metu abscessisse, alios electos ab Episcopis fuisse ob oppositam contumaciā in

in Ecclesiam, ac proinde timendum esse, ne regnum illud repul- 1562.
sam passum, in ethnicismum præceps abiret.

⁴ Scriptum, de quo diximus, per Patrum manus circumlatum est,
& Legatorum primus in confessu duos hosce articulos proposuit.
Prior fuit:

*An usus Calicis, flagitatus à Cæsare pro vniuerso Imperio, & heredi-
tariis ipsius ditionibus, concedendus esset cum sequentibus conditionibus:*

*Vt quicumque vellet sub utraque specie Eucharistiam sumere, acciperet,
ac profiteretur animo ac lingua doctrinam vniuersam, cunctosq; ritus Ec-
clesiæ Romane, & omnia Decreta præterita ac futura præsentis Concilij,
eag; integrè obseruaret.*

*Vt Pastores & Concionatores prædictarum Nationum crederent, ac doce-
rent, consuetudinem ab Ecclesia comprobatam accipiendi Eucharistiam sub
vna tantum specie, esse bonam atque laudabilem, dignamq; ut obseruetur,
vbi in eo eadem Ecclesia legem non relaxaret.*

Vt obedientiam profiterentur Romano Pontifici tamquam Ecclesiæ capiti.

Vt obedientiam pariter reliquis fides Præfulibus exhiberent.

*Vt id solum illis concederetur, qui contriti, peccata confessi fuissent se-
cundum Ecclesiæ ritum; atque vt Ordinarij summam diligentiam adhibe-
rent ad longè arcendum à Calicis distributione hominem quemcumque sacri-
legum aut profanum.*

Posterior articolus fuit: *An hæc facultas esset Episcopis concedenda
tamquam ab Apostolica Sede delegatis, quibus licet id in suis Diæcesibus
committere Curionibus cum conditionibus recensitis.*

⁵ Antequam in sequentibus cœtibus Patres rogarentur sententias, innotuit Oratoribus, difficultatem nonnullis iniici ab ipsa petitio-
nis amplitudine, quæ cùm ad cunctas Imperij terras extenderetur,
Senas quoque, aliaque multa Italæ oppida complectebatur, præter
varia loca Liburniæ, Dalmatiæ, ipsamque Tridentinam Vrbem ^d; *Acta arci-
 quamobrem quod facilior redderetur, ad Germaniam & Hunga-
 riam postea coarctata est.* Pridie quād suffragatio ea de re inchoan-
 da erat^e, Episcopus Quinque Ecclesiarum sermonem habuit ad Pa- ^f *27. Aug.*
tres, in quo rationes summatim à nobis narratas amplificauit. Di- ^{ex Actis ar-}
xit, Rem suspicioni obnoxiam non esse, quod Cæsar iam senex, ac ^{cis Elia, &}
breui ante Diuinum tribunal sistendus, vellet quidquam efflagitare ^{in epist. Ia-}
nisi quod arbitratetur ad Dei gloriam cesserum. Nec similiter in ^{quamquam}
tantæ prudentiæ Principe, post tam diuturnam intentamque regen- ^{prius sit po-}
di exercitationem, credendam esse ignorationem illius quod in ^{sta, 23. Aug.}
suis subditis ad animarum salutem conduceret. Non aliud velle Cæ-
farem, nisi quod liceret per Ecclesiæ dignitatem, pro qua vitam pro-
fundere

Pars III.

P

fundere

1562. fundere præstò erat : sed Ecclesiæ morem esse, in rebus arbitrariis, & à Deo non præscriptis, leges variare pro conditionum varietate. A Synodo Coustantiensi vetitum illud fuisse priùs constitutum ; postea id ex parte relaxatum à subsecuto Concilio, sed eodem vetito per Pontificem Pium II. ad vim pristinam restituto, fuisse concessam à Paulo III. ac Iulio III. facultatem illius abrogandi : interim fuisse Græcis indultum non usum modò Calicis, sed varios præterea ritus, ab Ecclesia Latina diuersos, idque per summam prudentiam, exemplo Moyis, qui nonnulla permisit populo suo propter duritiam cordis. Vnam dumtaxat rationem obici posse, nimurum, Periculum fundendi sanguinis Christi. Huic occursum iri per Praefulum vigilantiam : sed tandem, quando Christus rectè effusum duxerat suum totum sanguinem in hominum salutem, haud illi molestam futuram aliquam eiusdem effusionem, quæ humanavitio contingeret in eo ministerio, ubi hoc paœto consuleretur innumerabilium animarum saluti, quæ eodem ipso sanguine redemptæ sunt. Ita perorauit Antistes, ut illis populis fieret satis, qui ægrotorum infariantium instar, ab amico ac perito medico potionem pro sua libidine violenter petebant.

CAPUT IV.

*Non modica sententiarum varietas in generali Conuentu,
de Calicis concessione.*

VIdebatur in eo argumento, in quo lumen rationis nullâ poterat infici tinturâ ab animi affectione & utilitatis cupididine, nec agitabantur subtile Scholarum quæstiones, sed beneficium quoddam arbitrarium, & à tot Principibus, tot Regnis efflagitatum, expectanda esse magna sententiarum concordia. Verumtamen vix umquam adeò illæ variarunt. Lectori gratius futurum puto id suis oculis singulatum cernere, quām narrationi meæ vniuersè credere : praesertim quod hinc intelliget id quod singulos permouebat, cum interdum nos magis oblectet, si varios fructus decerpentes ex variis arboribus degustemus, atque inde planarum terrarumque varietatem discernamus, quām si confusos in uno eodem calatho illos haberemus in mensa. Verum minutarum rerum recitationem cauebo, quæ semper accidit molesta lectoribus non otiosis, in vita temporis egentissima, & rerum obiectarum locupletissima.

Madruc-